



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-1815/25-3
Sarajevo, 2. 10. 2025. godine

ČLANOVIMA PARLAMENTARNE KOMISIJE ODGOVORNE ZA REVIZIJU

Dana 30. 9. 2025. godine održana je 20. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovali su svi članovi Komisije i samim tim ispunjeni su svi uslovi za punovažan rad u pogledu kvoruma i odlučivanja. Pored članova Komisije, na 20. sjednici prisutana je bila i Nina Džidić, zamjenica generalnog revizora Ureda za reviziju institucija u Federaciji BiH.

Predsjednik Komisije je predložio **dnevni red**, koji je jednoglasno usvojen, a koji glasi:

1. Usvajanje Zapisnika sa 19. sjednice Parlamentarne komisije odgovorne za reviziju,
2. Prijedlog i usaglašavanje termina održavanja javnih saslušanja revidiranih subjekata,
3. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. Usvajanje zapisnika sa 19. sjednice Parlamentarne komisije odgovorne za reviziju

Komisija je razmatrala zapisnik sa 19. sjednice Parlamentarne komisije odgovorne za reviziju i jednoglasno ga usvojila.

2. Prijedlog i usaglašavanje termina održavanja javnih saslušanja revidiranih subjekata

Predsjednik Komisije je, prije otvaranja rasprave po ovoj tački dnevnog reda, predložio članovima Komisije da se javna saslušanja revidiranih subjekata organiziraju uz zadržavanje sastava članova Komisije po grupama identično modelu koji je primijenjen na prošlim održanim javnim saslušanjima.

Također, predložio je da se članovima Komisije omogući zamjena u slučaju da budu spriječeni prisustvovati javnom saslušanju na datum predviđen za njihovu grupu, uslijed posebnih i nepredviđenih okolnosti. Predložena mjera osigurava neometano prisustvo i

kontinuitet rada Komisije bez obzira opravdanu spriječenosti članova da prisustvuju javnom saslušanju grupe kojoj pripadaju.

Nakon opsežne rasprave članovi Komisije su jednoglasno usvojili sljedeći

ZAKLJUČAK

Utvrđuje se da će se javna saslušanja revidiranih subjekata organizovati po grupama u sastavu utvrđenom u prošlim grupama javnih saslušanja. Članovima Komisije koji budu spriječeni prisustvovati saslušanju, usljed posebnih i nepredviđenih okolnosti, daje se mogućnost zamjene drugim članom Komisije.

Predsjednik Komisije je predložio da se dinamika održavanja javnih saslušanja revidiranih subjekata uskladi sa kalendarom aktivnosti Ureda za reviziju Federacije BiH. Na taj način osigurala bi se harmonizacija rada Komisije sa planiranim aktivnostima Ureda.

Također, predložio je da se sekretari Komisije zaduže da, nakon konsultacija sa Uredom za reviziju Federacije BiH, putem elektronske pošte članovima Komisije dostave prijedlog termina za održavanje javnih saslušanja, počevši od 20.10.2025. godine.

Nakon opsežne rasprave članovi Komisije su jednoglasno podržali prijedlog Predsjednika Komisije.

Predsjednik Komisije je podsjetio članove da im je putem elektronske pošte dostavljen tabelarni prikaz revidiranih subjekata čiji će finansijski izvještaji biti predmet javnog saslušanja. Shodno ranije utvrđenoj praksi, Komisija će i dalje na javnim saslušanjima razmatrati samo finansijske izvještaje onih revidiranih subjekata koji nisu dobili oba pozitivna mišljenja Ureda za reviziju institucija Federacije BiH.

3. Tekuća pitanja

Predsjednik je informirao članove Komisije da je Ured za reviziju Federacije BiH dostavio Nacrt budžeta za 2026. i finansijski zahtjevi za 2027. i 2028. godinu, koji Komisija treba detaljno razmotriti. Uz navedeno, Komisija treba jasno utvrditi datume i način održavanja javnih saslušanja revidiranih subjekata.

S obzirom na ove okolnosti, predsjednik je obavijestio članove Komisije da će zakazati još jednu sjednicu Komisije prije 20. oktobra tekuće godine, radi razmatranja pomenutih pitanja.

**ZAMJENIK PREDSJEDNIKA
PARLAMENTARNE KOMISIJE
ODGOVORNE ZA REVIZIJU**

Elvir Karajlić, s.r.

**PREDSJEDNIK
PARLAMENTARNE KOMISIJE
ODGOVORNE ZA REVIZIJU**

Damir Džeba, v.r.